

Nkore - Ebirungi-Ebibi Ebiteekateeko Ebyahandiikirwe - Good-Bad Mind Scriptures

Ebirungi Ebiteekateeko Ebyahandiikirwe - Good Mind Scriptures

Mariko 5:15 Ku baahikire ahari Yesu, baashanga ogwo muntu waarugwaho ekyago ari aho ashutami, ajware, aine obwengye, kandi ari ori, owaabaire ariho eryo ihe; baatiina munonga.

Luka 8:35 Abantu baahurura kureeba ekyabaho. Ku baahikire Yesu, baashanga ogwo mushaija owaarugirweho ebyago ashutami aha bigyere bya Yesu, ajware kandi aine obwengye; baatiina munonga.

Entumwa 17:11 Abaayo ahabw'okugira omutima murungi okukira aba Tesalonika, baajwahukira ekigambo n'ekihika, buri izooba baaguma nibashwijuma Ebyahandiikirwe, kureeba yaaba kiri eky'amazima.

Entumwa 20:19 oku naabaire mpeereza Mukama n'obucureezi bwingi, kandi nimumanya obusaasi n'ebihikiirizi ebyangwireho ahabw'enaama mbi z'Abayudaaya.

AbaRooma 7:25 Ruhanga naakasingye kureeba ngu nyine Omujuni Yesu Kristo Mukama waitu! Reero nu, nyowe nyenka omu bwengye bwangye nkoresibwa eiteeka rya Ruhanga, kwonka omu buntu bwangye nkoresibwa eiteeka ry'ekibi.

AbaRooma 8:6 Okutegyekwa ebi omubiri gutwenza kurugwamu okufa; kandi okutegyekwa ebi Mutima ayenda kureeta amagara n'obusingye.

AbaRooma 8:27 Kandi Ruhanga ogwo ocaaka emitima y'abantu, amanya eki Mutima arikwenda; ahabw'okuba Mutima atonganirira abarikwera ahari Ruhanga, kandi nk'oku Ruhanga akunda.

AbaRooma 11:34 Mbwenu n'oha oramanyire ebiteekateeko bya Mukama?

AbaRooma 12:2 Murekye kushushanisibwa n'ab'ensi egi, kureka muhindurwe nimugarurwa busya omu biteekateeko byanyu, mubone kuhamya ebi Ruhanga ayenda: ebirungi ebirikusiumwa, kandi ebihikiire kimwe.

AbaRooma 12:16 Mutuurane mwine omutima gumwe; mutaryetunguura, kureka mugyendere hamwe n'abataine kitinwa; mutarigira orwemanyo.

AbaRooma 14:5 Omuntu omwe ateekateeka ngu ekiro kimwe ni kikuru okukira ekindi, haza ondijo agira ngu ebiro byona nibingana. Ka buri omwe agire obusingye bw'okuhamira aha ki arikuteekateeka ngu kihikire.

AbaRooma 15:6 mubone kuimbisa Ruhanga, Ishe wa Mukama waitu Yesu Kristo n'omutima gumwe n'eiraka rimwe.

1 AbaKorinto 1:10 Beene Taata, nimbeehanangiriza omu iziina rya Mukama waitu Yesu Kristo, mwena ku mwikirizana, mukareka kwecwamu, kureka mukakwatanisa mwine omutima gumwe n'ebiteekateeko bimwe.

1 AbaKorinto 2:16 Nk'oku kyahandiikirwe kiti: Mbwenu n'oha oramanyire ebi

Mukama arikuteekateeka, haza abone kumuhabura? Kwonka itwe twine ebiteekateeko bya Kristo.

- 2 AbaKorinto 7:7** Ti habw'okwija kwe kwonka, kureka kandi n'ahabw'oku-huumurizibwa oku imwe mwamuhuumuriize. Manya akatuteekyerereza eby'orushusho rwanyu n'okutonzya kwanyu n'omuhimbo gwanyu ebi muunyiniire; haza ekyo kyandeetera okwongyera kushemererwa.
- 2 AbaKorinto 8:12** Manya ekihika ky'okwenda kukikora, ku muraabe mukiine, nikiikirizibwa nk'oku omuntu atungire, kutari nk'oku atatungire. (1 Kr 28:9)
- 2 AbaKorinto 9:2** ahabw'okuba nimmanya ku mutuura mweteekateekire. Haza ekyo kindeetera kweraatira Abamakedoniya nimbagira nti: Abaakaiya okwiha omu mwaka oguhingwire batuura beeteekateekire. Obveziriki bwanyu nibwo butaire abaingi omuribo omuhimbo.
- 2 AbaKorinto 13:11** Beene Taata, eky'aha muheru, mugumeho. Mwitanire okuba abahikiire kimwe. Mwete aha bi ndikubeehanangiriza, mugire omutima gumwe, mugume n'obusingye, na Ruhanga okomookwaho rukundo n'obusingye, aryaguma naimwe.

AbaEfeso 4:23 reero emitima yaanyu n'ebiteekateeko byanyubihindukye bisya.

AbaFilipi 2:2-5 mbwenu nu muhikiirize okushemererwa kwangye, mwine ebiteekateeko bimwe, rukundo emwe, mukwatanisiize kimwe, kandi mwine omutima gumwe. 3 Mutarikora ekintu kyona nimutarirana nari nimwetunguura, kureka mwebundikye nimuteekateeka ahari bagyenzi baanyu nk'abarikubakira. 4 Omuntu weena arekye kuhugira aha bye wenka, kureka ayete n'aha by'abandi. 5 Mugire omutima nk'ogu Kristo yaabaire aine:

AbaFilipi 4:2,7 Niinyeshengyereza Ewodiya, kandi niinyeshengyereza na Suntuke, ngu bagire omutima gumwe omuri Mukama. 7 Nibwo obusingye bwa Ruhanga oburengire okwetegyereza kwona, buraarindire emitima yaanyu n'ebiteekateeko byanyu omuri Kristo Yesu. (Isaaya 26:3)

AbaKolosai 3:12 Mbwenu nk'entoore za Ruhanga, abarikwera kandi abakundwa, mugirirane esaasi, embabazi, obucureezi, okutwaza mpura n'okugumisiriza.

- 2 Tessaloniki 2:2** Nitubeeshengyereza, mutarahuka kuhuruutuka omutima, nari okuhahaazibwa, yaaba oburangi, nari enku, nainga ebaruha, ebiri-kugambwa ngu birugire ahariitwe, kuhamya ku Ekiro kya Mukama kyahika.
- 2 Timoteeho 1:7** Manya Ruhanga taratuhaire mutima gw'obwoba, kureka ogw'amaani, na rukundo n'okwebariirira.

Tito 2:6 N'abatsigazi obeehanangirize otyo, babe abeerinzi.

AbaHeburaayo 8:10 Nyakubaho naagira ati: Ebiro ebyo ku birihwaho, egi niyo ndagaano ei ndiragaana n'enju ya Israeli: Ndyata amateeka gangye omu biteekateeko byabo, ngahandiikye omu mitima yaabo; kandi mbe Ruhanga waabo, nabo babe abantu bangye.

- 1 Petero 1:13 N'ahabw'ekyo mwezirikye mutaireho omutima, mwerinde muteere kimwe amatsiko aha migisha ei muriheebwa obu Yesu Kristo arieebeka.**
 - 1 Petero 5:2 Nimbagambira nti: Muriise obusyo bwa Ruhanga obu mwakwatsiibwe, mubureeberere mutarikugyemwa, kureka mwekundiire, nk'oku Ruhanga arikubendeza; mutarikuburiisa nk'abaguririirwe, kureka mubwiniire omuhimbo.**
 - 2 Petero 3:1 Bagyenzi bangye abakundwa, mbwenu egi n'ebaruha yangye ya kabiri ei naabahandiikira. Omuri ago mabaruha gombi, mbaire ninteeraho kusisiimura emitima yaanyu etaine buryarya, nimbahuguura.**
- Yakobo 1:17 Engabirano yoona n'ekiconco kyona ekihikiire kimwe, biruga omu iguru owa Ruhanga Taata, Omuhangi w'ebiyakira omu iguru, ou owe hatabayo kuhindahinduka nari okwiririmba. (Yobu 23:13)**
- Shuurwirwe 17:9 Eki nikyetengyesa omutima gwine obwengye n'okwetegyereza. Emitwe mushanju nizo nshozi mushanju, ezi ogwo mukazi ashutamiho.**

Ebibi Ebiteekateeko Ebyahandiikirwe - Bad Mind Scriptures

- Mariko 7:21 ahabw'okuba omu mitima y'abantu nimwo haruga ebiteekateeko bibi, obushambani bw'abatashweire n'abatashweirwe, okwiba, okwita omuntu, okushambana na muka nanka nari na iba nanka; (Ezekiyeli 38:10)**
- Luka 12:29 Mbwenu imwe, mutarimarira omutima aha bi murirywa n'aha bi murinywa, nobu kwakuba okugwemereza.**
- Entumwa 12:20 Herode akaba agwereirwe kubi Abatuuro n'Abasidoni. Ab'endembo ezo zombi baamwijaho baaherize kwenywanisa na Bulasito, omukuru w'abambari be, owaababaasiise kumushaba obusingye. Manya ensi yaabo akaba etungirwe ebyokurya ebi baabaire bashaka omu nsi y'ogwo mugabe.**
- Entumwa 14:2 Kwonka Abayudaaya abamwe baayanga kwikiriza, baata omu Banyamahanga omutima mubi kwanga abaikiriza.**
- AbaRooma 1:28 Kandi ku baayangire nkana kweta ahari Ruhanga, Ruhanga nawe nikwo kubareka bakagira emitima efiire kukora ebitahikire.**
- AbaRooma 8:6,7 Okutegyekwa ebi omubiri gutwenza kurugwamu okufa; kandi okutegyekwa ebi Mutima ayenda kureeta amagara n'obusingye. 7 Manya okukuratira ebi omubiri gwenda, kureetera omuntu kuba omuzigu wa Ruhanga, ahabw'okuba taylorobera iteeka rya Ruhanga, kandi kwo buzima tikirikubaasika;**
- AbaRooma 11:20 Ekyo n'eky'amazima; gakahagurwaho ahabw'okutaikiriza kwago; kwonka iwe, ekikwemereizeho n'okwikiriza. N'ahabw'ekyo oteehimbisa, kureka guma otiene.**

- 2 AbaKorinto 10:5 Tumaraho empaka na ibara kintu kyona ekyetunguura kuhakanisa okumanya Ruhanga; kandi nitugomoora buri kiteekateeko kworobera Kristo.**
- 2 AbaKorinto 11:3 Manya mbainiire eihato nk'oku Ruhanga aribainiire; ahabw'okuba nkabaraganisa kubahingira muri nk'omugore oshugaine, orikushwerwa omushaija omwe wenka, niwe Kristo.**

AbaEfeso 2:3 Naitwe twena ira tukaba nitubarirwa omuri abo bagomi, nitukuratira okwetenga okubi okw'omubiri gwaitu, nitukora ebi ogwo mubiri gurikwenda, kandi nitukuratira ebi gurikutwenza. N'ahabw'ekyo omu buhangwa tukaba turi ab'okufubirwa Ruhanga nk'abandi bantu.

AbaEfeso 4:17 Mbwenu eki ninkigamba kandi ninkihamya omuri Mukama nt: murekyere aho kugira emitwarize nk'ei Abanyamahanga bagira omu biteekateeko byabo ebitaine mugasho.

AbaKolosai 1:21 Naimwe ira, mukaba mutaine na Ruhanga, kandi muri abazigu omu biteekateeko byanyu nimukora ebibi. (Nfumu 21:27; Ezek 23:17)

AbaKolosai 2:18 Hataribaho abaabagira ngu timuhikire, ngu ahabw'okuba bo nibeecwendeeka kandi nibaramya baamaraika, nibeesiga eby'okworekwa, baine ebihagi bya busha, ebirikureetwa ebiteekateeko ky'obuntu.

- 1 Tessaloniki 5:14 Kandi, banyaruganda, nitubeehanangiriza ku muhana abatakeekaine, mukagumya abagwire enshazi, mukahwera abataine maani; abo boona mubagumisiririze.**
- 2 Tessaloniki 2:2 Nitubeeshengyereza, mutarahuka kuhuruutuka omutima, nari okuhahaazibwa, yaaba oburangi, nari enkuru, nainga ebaruha, ebirikugambwa ngu birugire ahariitwe, kuhamya ku Ekiro kya Mukama kyahika.**
- 1 Timoteeho 6:5 Haza ebyo byona bikorwa abantu abasiisikaire obwengye, abatakiine mazima, abateekateeka ngu okutiina Ruhanga kuba oburyo bw'okwetungira amagoba.**
- 2 Timoteeho 3:8 Nk'oku Yanesi na Yamburesi baahakaniise Musa, n'abo bantu nikwo bahakanisa amazima nibo bantu abu obwengye bwabo bwasiisikaire, ababa ebikwangara by'okwikiriza.**

Tito 1:15 Aha bashemeire, byona biba ebishemeire; kwonka aha basiisikaire n'abatarikwikiriza, tihariho kiba ekishemeire; ahabw'okuba obwengye bwabo n'emitima yaabo bisiisikaire.

AbaHeburaayo 12:3 Muteekateekye ahari Ogwo owaagumisiririze rwango, ei abasiisi baamugiriire; haza murekye kuruha n'okugwa enshazi.

Yakobo 1:8 ahabw'okuba n'ow'emitima ebiri, kandi omu mitwarize ye yoona tahamire.